

Broj: 105-14639/20 DŽS  
Zenica, 11.12.2020. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-14637-1/20 DŽS od 11.12.2020. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## ODLUKU

### o poništenju postupka za nabavku materijala za kućne priključke

I  
Poništava se postupak javne nabavke roba za nabavku materijala za kućne priključke iz razloga što dostavljene ponude nisu prihvatljive za ugovorni organ - član 69., stav 2., tačka (d) Zakona o javnim nabavkama.

II  
Za izvršenje ove Odluke zadužuje se Komisija za nabavke.

III  
Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-13296/20 BS od 06.11.2020. godine. Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma.

Procijenjena vrijednost javne nabavke bez uračunatog PDV-a je 49.000,00 KM.

Dana 09.11.2020.godine na Portalu javnih nabavki istovremeno sa objavljivanjem Obavještenja o nabavci broj: 439-7-1-577-3-79/20 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 09.12.2020. godine u 11:43 sati.

Rok za dostavljanje ponuda je bio 01.12.2020. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj kovrti, i to:

- 1.VODOSKOK d.o.o. Tomislavgrad
- 2.BIHEXO d.o.o. Sarajevo

Komisija za nabavku imenovana je Odlukom broj: 105-4040/20 BS od 23.03.2020.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nema neblagovremeno zaprimljenih ponuda.
- ukupno 10 (deset) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 11.12.2020. godine direktoru preduzeća dostavila Zapisnik o ocjeni ponuda broj: 501-14637/20 DŽS od 11.12.2020. godine sa preporukom o poništenju postupka za nabavku materijala za kućne priključke.

Uvidom u priloženu dokumentaciju otvorenog postupka broj: 406-13296-1/20 BS od 06.11.2020. godine – Nabavka materijala za kućne priključke, a tokom preliminarnog pregleda i ocjene prispijelih ponuda, Komisija po članu 66. Zakona o javnim nabavkama („Sl. glasnik BiH“, broj: 39/14), i članu 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14), nije našla osnovan razlog da izrazi sumnju da je ponuđena cijena neprirodno niska.

Ponuđač VODOSKOK d.o.o. Tomislavgrad je za stavke 4. i 5. dostavio isti kataloški list koji se odnosi na ugradbenu garnituru za ogrlice, a u stavci 4. je tražena garnitura za ponuđeni ulični ventil (stavka 1). Za stavku 6 (6.1, 6.2, 6.3) ponuđač je dostavio samo 2 kataloška lista (za stavku 6.2 i 6.3) bez oznake traženog standarda za te stavke. Iz gore navedenih razloga ponuda ponuđača VODOSKOK d.o.o. Tomislavgrad se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač BIHEXO d.o.o. Sarajevo nije dostavio traženi GSK certifikat za stavke 2., 3. i 7. Ponuđač je ponudio pass (stremen) od materijala A2 (materijal za vijke, matice), a tražen je pass od čeličnog lima vulkaniziran EPDM/NBR gumom. Za stavku 8. nije dostavljen traženi certifikat. Iz gore navedenih razloga ponuda ponuđača BIHEXO d.o.o. Sarajevo odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđači su dostavili formalno – pravno neispravne i tehnički neprihvatljive ponude, koje kao takve ne mogu biti predmet ocjenjivanja, te je Komisija ocijenila da ponude nisu prihvatljive za ugovorni organ ( član 68., stav (4), tačka (i) ZJN) i dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka Direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



DIREKTOR:

*Pašalić Emir*  
Pašalić Emir, dipl.ing.građ.

#### **DOSTAVLJENO:**

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a